



Na osnovu člana 103. stav (1) tačka c) Zakona o visokom obrazovanju u HNK, članova 72., 128. stav (1) tačka c), 163. stav (1) Statuta Univerziteta „Džemal Bijedić“ u Mostaru, a u skladu sa članom 12. i 13. Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru i Odlukama Senata, broj: 101-2694/21 od dana 30.09.2021.godine i broj: 101-3968/21 od 29.12.2021. godine, Odluke Upravnog odbora Univerziteta broj: : 100-3928/21 od dana 27.12.2021. godine, Odluke Vijeća doktorskog studija Ekonomskog fakulteta broj:110-1-151-429-2 od 06.12.2021. godine, Senat Univerziteta „Džemal Bijedić“ u Mostaru raspisuje

**JAVNI KONKURS
ZA UPIS PRVE GENERACIJE POLAZNIKA NA TREĆI CIKLUS STUDIJA
(DOKTORSKI STUDIJ) NA EKONOMSKOM FAKULTETU**

Naziv studija: Studijski program trećeg ciklusa studija iz područja Društvene nauke, polje Ekonomija

Nivo: III ciklus

Broj ECTS bodova: 180

Vrsta studija: akademski studij trećeg ciklusa

Zvanje: doktor nauka iz područja društvenih nauka, polje ekonomija, grana - prema odabranoj temi

Područja, polja, grane (oblast obrazovanja): Društvene nauke, Ekonomija

Način izvođenja: redovno, u sjedištu, u trajanju od 6 semestara

Nosilac i izvođač studijskog programa: Ekonomski fakultet

Partneri: Ekonomski fakultet Univerziteta u Sarajevu i Ekonomski fakultet iz Podgorice, Crna Gora

Cijena doktorskog studija: 15.000,00 KM

Doktorski studij, u trajanju od šest semestara, izvodi se iz sljedećih naučnih grana:

- Finansije
- Kvantitvna ekonomija
- Marketing
- Međunarodna ekonomija
- Menadžment i organizacija
- Opšta ekonomija
- Poslovna informatika
- Računovodstvo I revizija
- Teoretska ekonomija

Upis prve generacije polaznika na Studijski program trećeg ciklusa studija iz područja Društvene nauke, polje Ekonomija organizovat će se samo pod uslovom da se za upis prijavi

dovoljan broj kandidata, o čemu će odluku donijeti Vijeće doktorskog studija Ekonomskog fakulteta.

USLOVI ZA PRIJAVU

Pravo prijave na konkurs za upis na treći ciklus studija studija iz područja Društvene nauke, polje Ekonomija, imaju kandidati koji ispunjavaju jedan od sljedećih uslova:

- a) završen studij II ciklusa iz polja ekonomije sa najmanje 300 ECTS bodova s najmanjom prosječnom ocjenom 8,00 ili ekvivalentna vrijednost na prvom i na drugom ciklusu;
- b) po ranije važećim propisima završen ekonomski fakultet u trajanju od najmanje 8 semestara s najmanjom prosječnom ocjenom 8,00 uz obavezu polaganja razlike predmeta koju utvrdi Vijeće doktorskog studija;
- c) po ranije važećim propisima završen magistrski postdiplomski studij iz oblasti ekonomskih nauka, te stečeno zvanje magistra ekonomskih nauka s najmanjom prosječnom ocjenom 8,00;
- d) po ranije važećim propisima završen specijalistički studij iz oblasti ekonomije s najmanjom prosječnom ocjenom 8,00 uz obavezu polaganja razlike predmeta koju utvrdi Vijeće doktorskog studija;
- e) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) s najmanjom prosječnom ocjenom 7,5 uz dvije preporuke predmetnih nastavnika sa prethodnih ciklusa studija koje je kandidat pohađao;
- f) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ili završen studij iz alineje (d), pod uvjetom da kandidat ima najmanje dva objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIExp i da je najmanje jedan rad javno prezentiran na međunarodnim naučnim konferencijama.

Kandidatima koji su stekli zvanje magistra ekonomskih nauka priznaje se 60 ECTS bodova.

Svi primljeni kandidati upisuju se u prvi semestar.

ROK PRIJAVE

Konkurs ostaje otvoren **30 dana od dana objavljivanja u dnevnim novinama i na web stranicama** Univerziteta „Džemal Bijedić“ u Mostaru i Ekonomskog fakulteta Univerziteta „Džemal Bijedić“ u Mostaru.

Prijave se podnose poštom (preporučeno) ili lično na adresu:

Univerzitet „Džemal Bijedić“ u Mostaru,

Ekonomski fakultet

Sjeverni logor b.b., 88104 Mostar

uz naznaku: Prijava na Konkurs za upis na treći ciklus studija na Ekonomskom fakultetu

Uz prijavu na konkurs potrebno je priložiti sljedeća dokumenta:

- biografija sa opisom stručne i naučne aktivnosti;
- izvod iz matične knjige rođenih (ovjerena kopija);
- uvjerenje o državljanstvu (ovjerena kopija);
- pasoš ili drugi adekvatan dokument za strane državljane (ovjerena kopija);
- potvrda o poznavanju stranog jezika;
- diploma o završenom VII/1 stepenu stručne spreme ili diplomskom akademskom studiju ili poslijediplomskom naučnom magistarskom studiju (ovjerene kopije);
- uvjerenje o položenim ispitima sa ostvarenim prosjekom ocjena iz prethodnih ciklusa studija;
- preporuke najmanje dva profesora (prilažu samo kandidati koji ispunjavaju uslove upisa iz tačke e);
- dokazi o objavljena najmanje dva naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama (prilažu samo kandidati koji ispunjavaju uslove upisa iz tačke f).

U procesu ocjene podobnosti kandidata za upis na studij Konkursna komisija će sa svim prijavljenim kandidatima obaviti intervju.

Obrazac prijave kao i Nastavni plan i program trećeg ciklusa studija mogu se naći na web stranici www.ef.unmo.ba.

Sve potrebne informacije mogu se dobiti putem e-maila: ef@unmo.ba ili putem telefona: + 387 (0)36 514 910.